



OBAVIJEST

poljoprivrednim proizvođačima

Poljoprivredni zavod Unsko-sanskog kantona dana 29.12.2020.godine dostavio je Obavijest poljoprivrednim proizvođačima koja se odnosi na zimsku zaštitu i očuvanje poljoprivredne mehanizacije i opreme.

Obzirom da je zima već uveliko stigla, poslovi sa mehanizacijom i opremom su pri kraju. Mehanizacija također zaslužuje odmor i stoga je u skladu sa mogućnostima treba uredno spremiti u nadkriveni i zaštićeni prostor ili jednostavno prekriti nekim od pogodnih pokrivača. Ali prije toga kako bi neophodna oprema i mehanizacija dočekala novu sezonu svakako predlažemo slijedeće:

- Izvršiti čišćenje i pranje strojeva pod uslovom da moramo voditi računa o odabiru mjesta gdje se neće kontaminirati okoliš sredstvima za pranje i odmašćivanje.
- Strojeve i opremu osušiti i zaštititi od korozije, može poslužiti motorno ulje ili posebni i specijalni zaštitni premazi.
- Nakon pranja i sušenja izvršiti podmazivanje na za to predviđenim mjestima kako bi nova mast istisnula kapljice vode iz ležajeva i sličnih područja u kojima mast ima svoju aktivnu ulogu tokom procesa rada.
- Spremnike goriva traktora, kombajna i drugih samohodnih strojeva napuniti do vrha kako bi se smanjila pojava korozije samih spremnika.
- Svakako provjeriti, ispitati i po potrebi izvršiti izmjene ili ispuštanje u svim sastavima sa rashladnim tekućinama na adekvatne vrijednosti tačke smrzavanja.
- Provjeriti ili prilagoditi tlakove u gumama.
- Ovo vrijeme mirovanja mehanizacije iskoristiti za sve eventualne popravke i potrebna podešavanja strojeva.

Većina poljoprivrednih proizvođača posjeduje prskalice, kod ovih strojeva prije zimskog mirovanja treba učiniti i dodatne korake, odnosno izvršiti konzervaciju istih:

- Kompletno pranje izvana i iznutra svih filtera i svih mlaznica.
- U spremnik uliti sredstvo protiv smrzavanja antifriz ili zimsko sredstvo za pranje stakla sa minimalnom jačinom tačke smrzavanja – 20 C.

U proljeće kada prskalice bude ponovo potrebna obrnutim redoslijedom izvršiti dekonzervaciju:

- Na prskalicu montirati manometar.
- Sredstvo protiv smrzavanja ispustiti na jednoj od krajnjih mlaznica.
- Prskalicu isprati čistom vodom.
- Ispušteni antifriz ili zimsko sredstvo za pranje stakla pohraniti u odgovarajući spremnik i spremni za sljedeću zimsku sezonu konzerviranja.

Ovakvim postupanjem ćemo opremi produžiti vijek trajanja i u novu sezonu poslova krenuti spremni.

Ključ; 30.12.2020.godine

Služba za razvoj, privredu i civilnu zaštitu